

音 滙 岸 一 上 吾 皆 天 批 宜 免 上 音 官 下 反 免 上 音

迅疾

上 私 反 閏

躡地

上 毗 益 反

波湍

大般涅槃經卷中六

澄六

東晉平陽沙門釋法顯譯

尔時弗波育帝等而白佛言世尊我等從今以中上法互相開導於是弗波育帝等五百人即於佛前受三歸依并及五戒弗波育帝等重白佛言唯願世尊及比丘僧明受我供

乙

冻

于時如來默然許之弗波育帝等知佛許已即從座起與其來眾禮佛而退還到其舍通夕辦好香美飲食既至明日食時將到遣信白言唯願世尊自知其時於是如來與比丘僧前後圍繞往詣其舍次第而坐弗波育帝見佛及僧悉安坐已便起行水手自斟酌諸

美飲食餘婆羅門長者居士有五百人各賣美饌亦在其舍共供養佛時諸比丘當於食上有不善攝身威儀者諸婆羅門長者居士既見之已心不歡喜尔時世尊知眾人心而普告言汝等當知如來正法深曠如海不可測量又復大海有諸眾生身體極大長萬六千踰闍那或復身長八千踰闍那或復身長四千踰闍那或復身長千踰闍那或復身長一寸半寸乃至極微如來法海亦復如是其中或有得阿羅漢具足三明及以六通有大威德福天人者其中亦有得阿那含者斯陀含者須陀洹者亦復有得四果向者乃至亦有凡夫之人未得往利者是故汝勿於法海中而生礙心於是世尊而說偈言
一切眾川流 皆悉歸大海 若飯佛及僧 福歸已亦然
尔時如來說此偈已又為眾入說種種法于時弗波育帝等五百人於諸法中遠塵離垢

得法眼淨尔時世尊與比丘僧從座而起更復前行趣波波城弗波育帝等五百人悲號啼泣奉送如來徘徊願慕絕望乃反

尔時世尊既至彼城彼城之中有工巧子名曰純陀其人有一園極爲閑靜如來即便與諸比丘前後圍繞往往彼園是時純陀聞佛及僧來其園中歡喜踊躍不能自勝與其同類俱詣佛所頭面禮足却住一面而白佛言不審世尊何緣來此有他趣耶尔時世尊即答之言我今所以來至此者不久應當入般涅槃是以故來最後相見是時純陀及其同類聞佛此語心大悲惱悶絕於地良久微聲而

澄六

二

白佛言世尊今者捨諸衆生不慈念耶云何便欲入般涅槃唯願世尊住壽一劫若減一劫即又拍頭披育大叫作如是言嗚呼苦哉世間眼滅一切衆生從今以後沒生死海未有出期所以者何無上導師般涅槃故尔時世尊告純陀言汝今不應生苦惱也一

切諸行法皆如是悉爲無常之所遷變合會恩愛必有別離是故汝今勿生憂惱尔時純陀即白佛言我今亦知諸行無常合會恩愛皆悉別離然無上尊當般涅槃我今云何而不悲惱

尔時世尊即爲純陀說種種法純陀聞已憂悲小歇便從座起整身威儀偏袒右肩頂禮佛足白言世尊唯願明日受我薄供世尊即便默然許之尔時純陀知佛許已禮足而退純陀還舍通夜辦於多美飲食至明食時遣信白佛唯願世尊自知其時於是如來與諸比丘前後圍繞往詣其舍次第就座是時純陀見佛坐已即便行水手自斟酌下諸精饌世尊及僧食竟洗鉢還歸本座純陀亦坐尔時世尊告純陀言汝今已作希有之福最後供飯佛比丘僧如此果報無有窮盡一切衆生所種諸福無有能得等於汝者宜應自生欣慶之心我今最後受汝請訖更不復受

澄六

三

他餘供飯尔時世尊即說偈言

汝今已建立 希有之功德 最後得供飯

佛及比丘僧 功德日增長 永無窮竭時

汝今宜自應 深生欣慶心 一切所造福

無有等汝者

尔時世尊說此偈已即語阿難我今身痛欲

疾往彼鳩尸那城尔時阿難與諸比丘并及

純陀聞佛此語生大苦痛號泣流連不能自

勝於是世尊即從座起與諸比丘前後圍遶

趣向彼城

尔時純陀亦與眷屬隨從如來世尊中路止

一樹下語阿難言我於今者極患腹痛即將

阿難去樹不遠而便下血既還樹下而勅阿

難汝可取我僧伽梨衣四疊敷地我欲坐息

不堪復前阿難受勅世尊即便坐息樹下又

告阿難我今患渴汝可往至迦屈嗟河取淨

水來阿難答言向有商人五百乘車從河而

過其水必濁恐不堪飲如是再三勅於阿難

阿難然後持鉢而去既到河上見水澄清心

大怖懼身毛皆豎而自念言我於向者見諸

商人五百乘車經此水過意謂猶濁不言便

清致今屬逆如來之勅即持水歸而以供奉

作如是言甚奇世尊向見商人五百乘車從

河而度方於前後十里之中猶未應清世尊

神力俄尔之頃而便澄潔世尊即便受水飲之

尔時有一滿羅仙人之子名弗迦婆是彼迦

蘭仙人弟子從鳩尸那詣波波城忽於中路

而見如來坐息樹下合掌問訊却坐一面而

白佛言夫出家法禪定業最為第一調伏情

根使心不亂專精寂靜莫能驚恐所以者何

憶念往昔隨從我師迦蘭仙人行於道路既

患疲乏近於路側止息樹下我師即便坐禪

思惟當尔之時有諸商人乘五十乘車從前

而過我師尔時猶故寂然身不動搖如是良

久方從禪起我即便往而白師言尊向在此

坐禪之時有諸商人五十乘車經前而過聲

澄六

四

如雷震不審尊向爲見之不師答我言都無所見又復問言聞其聲不亦答不聞即復白言尊今衣上所以有此塵土汗者是彼車過故致車耳我於是時深生奇特知坐禪法極可敬重善攝情報無能亂者尔時世尊答弗迦娑洩向所說非爲奇特所以者何若復有人非是熟眠亦復不入於滅盡定端心坐禪五百乘車從其前過此人于時不覺不聞如是乃可名爲奇特復次弗迦娑斯亦未足爲大奇特若復有人正念坐禪遇天霹靂雷電震曜時有耕者兄弟二人聞此驚怖席聲而死又有四牛亦皆頓絕而坐禪者不覺不聞斯可得名爲奇特不弗迦娑言五百乘車從前而過不覺不聞已爲奇特况復霹靂震曜動地而不聞覺極爲希有尔時世尊告弗迦娑我於往昔在阿車摩村於一樹下端坐思惟時有商人五百乘車經我前過而我禪思不覺不聞諸商人等經過良久我方出定時

彼商人遙見我起皆悉覺來見我身上塵土汗衣即便拂之而問我言我等向者五百乘車從此而過世尊見不即便答言我不見也彼復問言世尊自可閉目不視爲聞聲不我又答言亦不聞聲商人又問世尊爲眠爲是入於滅盡定耶我又答言我向不眠亦非入

澄六

五

定但在禪思故無聞見彼諸商人聞我此言極生奇特歎未曾有而作是言坐禪之力乃能如此我即爲其說種種法時彼商衆悉於諸法遠塵離垢得法眼淨復次弗迦娑我於往日在彼村側田間獨坐寂默禪思不久忽然天大霹靂雷電風雨震動天地時有耕者兄弟二人忽聞此聲同共怖死又有四牛亦復頓絕時彼村人聞有耕者二人怖死或是父母妻子知識合村相隨涕泣來看我於尔時方從禪覺見地泥水又有衆人集聚號哭有一人來我即問言何故人衆聚此悲泣彼人答言世尊向者不覺雷電霹靂聲耶我村

之中兄弟二人在此而耕同時為於霹靂所
煞及以四牛亦皆俱死云何世尊而不覺知
如來向者為是得眠為是入於滅盡定耶即
答之言我向不眠亦不入定端寂坐禪故不
聞耳是時彼人聞佛此語深生奇特歎未曾
有心自念言坐禪乃有如此之力我即為其
種種說法既聞法已於諸法中遠塵離垢得
法眼淨時弗迦娑聞佛此言生希有心而白
佛言本見我師坐禪之時五十車過而不聞
知謂為奇特今者如來說此二事百千萬倍
不可為比如來禪力不可思議即便從佛受
三歸依如來為說種種妙法其聞法已心開
意悟遠塵離垢得法眼淨即語侍人汝可取
我金色劫貝二張持來我欲上佛侍人奉勅
即取將來時弗迦娑手執劫貝長跪佛前而
作是言我今以此奉上世尊唯願哀愍即賜
納受

尔時世尊答弗迦娑我今為汝受取一張可

以一張施於阿難所以者何阿難日夜親侍
我側且又今日看我疾病若有施主施於病
人及看病者斯則名為滿足大施時弗迦娑
聞佛此語歡喜踊躍即以一張置佛足下又
持一張至阿難所長跪白言我今以此奉施
尊者唯願納受阿難答言善哉善哉汝今能

澄六

六

信天人師言令汝長夜永得安樂我為汝受
於是弗迦娑還至佛所如來即復為說諸法
其聞法已得阿那含果時弗迦娑復白佛言
我今欲於佛法出家佛即喚言善來比丘鬚
髮自落袈娑著身即成沙門得阿羅漢

尔時如來從其面門放種種光青黃赤白頗
梨紅色於是阿難頂禮佛足長跪叉手而白
佛言不審世尊有何因緣而現此瑞佛即答
言阿難當知我有二時放大光明一者在菩
提樹欲成佛時放大光明二者欲般涅槃放
大光明阿難知不我成阿耨多羅三藐三菩
提盡於夜分般涅槃時亦復如是汝今當知

我於今者後夜分盡在鳩尸那城力士生地
熙連河側娑羅雙樹間入般涅槃說此語已
諸比丘衆虛空諸天悲號啼泣不能自勝
爾時世尊與比丘衆到迦屈蹉河世尊即便入
河洗浴洗浴訖已共比丘僧坐於河側

爾時純陀心自咎責世尊因受我之供飯而
患腹痛欲般涅槃爾時世尊知純陀心告阿
難言汝今當知一切衆生勿自責言如來因
受我之供飯致使身患而般涅槃所以者何
如來出世有二種人獲福最上一者欲成阿
耨多羅三藐三菩提時而來奉施二者如來
臨欲般涅槃時最後供飯此二人福正等無
溢六

異所獲果報不可稱計如此二施難可值遇
如優曇鉢華時時乃有爾時世尊即告純陀
汝今心意正有此念不應自生如此悔責已
獲無上難得之寶宜應自生慶幸之情百千
萬劫佛名難聞雖得聞名見佛又難雖得見
佛供養又難雖得供養在此二施亦又甚難

汝今已果不久當獲辯才智慧色力壽命
爾時純陀聞佛此語心生歡喜不能自勝而白
佛言快哉世尊我今已得如此大利爾時世
尊而說偈言

布施者獲福 慈心者無怨 爲善者消惡
離欲者無惱 若行如此行 不久般涅槃

爾時世尊說此偈已告純陀言汝今應以最
後施福廣爲人說令得聞者長夜獲安爾時
世尊告阿難言我今欲進鳩尸那城力士生地
熙連河側娑羅雙樹間阿難白言唯然世尊
於是如來與諸比丘前後圍繞而便進路濟
熙連河住鳩尸那城力士生地娑羅林外語

阿難言汝可往至娑羅林中見有雙樹孤在
一處灑掃其下使令清淨安處繩牀令頭北
首我今身體極苦疲極爾時阿難及諸比丘
聞佛此語倍增悲絕阿難流淚奉勅而去至
彼樹下灑掃敷施皆悉如法還歸白言灑掃
敷施皆悉已畢爾時世尊與諸比丘入娑羅

林至雙樹下右脅著牀累足而卧如師子眠
 端心正念尔時雙樹忽然生華墮如來上世
 尊即便問阿難言汝見彼樹非時生華供養
 我不阿難荅言唯然見之尔時諸天龍神八
 部於虛空中雨衆妙華曼陀羅華摩訶曼陀
 羅華曼殊沙華摩訶曼殊沙華而散佛上又

散牛頭旃檀等香作天妓樂歌頌讚歎

佛告阿難汝見虛空諸天八部供養我不阿
 難白言唯然已見世尊又復告阿難言欲供
 養我報於恩者不必以此香華妓樂淨持禁
 戒讀誦經典思惟諸法深妙之義斯則名為
 供養我也尔時有一比丘名優波摩那如來

澄六

八

昔日未取阿難為侍者時其恒執事看視如
 來時優波摩那既見如來卧雙樹下心大苦
 惱在佛前泣

尔時世尊而告之言汝今不須當我前立優
 波摩那即却一面尔時阿難心生疑念我侍
 佛來經歷年載未曾見佛作如此語今日何

故不聽前立如來今者不久便當入般涅槃
 而復不聽在前悲泣於是阿難即禮佛足長
 跪叉手白言世尊我從昔來侍佛至今數數
 在於世尊前立而未曾聞令我却退今者何
 故語優波摩那使避前耶佛言阿難諸天龍
 神八部之衆聞我在於娑羅雙樹右脅而卧

皆悉競來瞻視於後從虛空中累至于地四
 面充滿各三十二踰闍那此優波摩那比丘
 當我前立天龍八部生不喜心作如是念如
 來今者在雙樹間不久便當入般涅槃我等
 最後瞻視之時而此比丘當佛前立以是因
 緣故令之去阿難知不今此八部或有悲泣

不能自勝或有懊惱迷悶欲絕或有以手自
 拔頭髮或有牽絕嚴身具者悉皆同聲唱如
 是言如來今者入般涅槃何其速哉如來出
 世難可值遇如優曇鉢華時時乃現而今不
 久入般涅槃嗚呼苦哉世間眼滅我等從今
 誰為歸導離欲諸天皆悉難言嗚呼世間極

澄六

九

爲無常無有受生不歸滅者又彼諸天共相謂言世尊昔日或在毗耶離城或在王舍城或在舍衛國并及餘處安居訖已諸比丘衆從四方來問訊世尊我等因此得於路側見諸比丘禮拜供養聽受經法長獲福利世尊今者既般涅槃諸比丘僧安居竟已無復問訊遊行處所我等不復得於路側見諸比丘禮拜供養聽受經法從今求去如此福利尔時如來告阿難言若比丘比丘尼優婆塞優婆夷於我滅後能故發心往我四處所獲功德不可稱計所生之處常在入天受樂果報無有窮盡何等爲四一者如來爲菩薩時在迦比羅旃國藍毗尼園所生之處二者於摩竭提國我初坐於菩提樹下得成阿耨多羅三藐三菩提處三者波羅捺國鹿野苑中仙人所住轉法輪處四者鳩尸那國力士生地熙連河側娑羅林中雙樹之間般涅槃處是爲四處若比丘比丘尼優婆塞優婆夷

并及餘人外道徒衆發心欲往到彼禮拜所獲功德悉如上說尔時阿難聞佛此語白言世尊我從今者當者宣告諸四部衆知此四處若往禮拜功德如是尔時阿難復白佛言若有善心諸優婆塞善持戒行樂聽經法欲見比丘我等從今當云何耶佛言汝等從今勿與相見阿難言若脫遇會與之相逢當復云何佛言勿與共語阿難言若不共語其脫諮請欲聞經法當復云何佛言應爲說法但當善攝汝身口意尔時阿難而白佛言我等從今如是奉行

尔時阿難而白佛言世尊入於般涅槃後供養之法當云何耶佛言汝今不應逆憂此事但自思惟於我滅後護持正法以昔所聞樂爲人說所以者何諸天自當供養我身又婆羅門及以諸王長者居士此等自當供養我身阿難言雖復天人自興供養然我不知應依何法佛言阿難供養我身依轉輪聖王阿

澄六

十

難又問供養轉輪聖王其法云何佛言阿難供養轉輪聖王之法用新淨綿及以細氎合纏其身如是乃至積滿千重內金棺中又作銀棺盛於金棺又作銅棺盛於銀棺又作鐵棺盛於銅棺然後灌以衆妙香油又復棺內以諸香華而用塗散作衆妓樂歌唵讚頌然後下蓋造大寶輿極令高廣軒蓋欄楯衆妙莊嚴以棺置上又於城中作閻維處掃灑四面極令清淨以好栴檀及諸名香聚爲大積又於積上敷舒繒氎施大寶帳以覆其上然後輿舉至閻維處燒香散華妓樂供養繞彼香積周迴七匝然後以棺置香積上而用香油以澆灑之然火之法從下而起閻維既竟收取舍利內金瓶中即於彼處而起堯婆表刹莊嚴懸繒幡蓋諸人民等恒應日日燒香散華種種供養阿難當知供養轉輪聖王之法其事如是閻維我身亦與王等然起堯婆有異於王表刹莊嚴應懸九繖若有衆生懸

繒幡蓋燒香散華及然燈燭禮拜讚歎我堯婆者此人長夜獲大福利將來不久他人亦復起大堯婆供養其身阿難當知一切衆生皆無堯婆唯有四人得立堯婆一者謂如來應正遍知明行足善逝世間解無上士調御丈夫天人師佛世尊慈愍衆生堪爲世間作

卷六

十一

上福田應起堯婆二者謂辟支佛思惟諸法自覺悟道亦能福利世間人民應起堯婆三者謂阿羅漢隨所聞法思惟漏盡亦能福利世間人民應起堯婆四者謂轉輪聖王宿殖深福有大威德王四天下七寶具足自行十善又復勸於四天下人亦行十善應起堯婆阿難當知若有衆生以諸供具而以供養此堯婆者其所得福漸次差降
余時阿難聞佛此語心生懊惱悲號啼泣隱於佛後相去不遠而以微聲作如是言我今猶是學地之人於諸法中未得深味而天人師一旦捨我入般涅槃我當何時踐解脫路

即便舉手攀一樹枝槌背拍頭悶絕懊惱尔時世尊問餘比丘阿難即時爲在何處比丘荅言阿難今者在如來後於一樹下啼泣懊惱又告比丘汝可往彼語阿難言天人之師今欲見汝比丘便往說如來旨阿難既聞即便來還至於佛所頭面禮足倚立一面世尊

於是問阿難言我於近日已爲汝說一切諸行皆悉無常合會恩愛必歸別離汝今何故猶生悲惱復次阿難汝從往昔侍我至今左右執事進止去來及通賓客皆得宜節又復見汝身口及意皆悉清淨無有瑕穢汝獲福利不可稱計尔時世尊告諸比丘阿難不應作此悲惱所以者何不久當得到解脫處比丘當知過去諸佛皆有侍者如今阿難未來諸佛亦復如是比丘當知今此阿難智慧深妙聰明利根我從昔來所說法藏阿難皆悉憶持不忘復次比丘阿難善知進止時節若有人客欲來見我阿難即先思量其時世尊

或應某時見諸比丘或應某時見比丘尼或應某時見優婆塞或應某時見優婆夷或應某時見婆羅門或應某時見於利利或應某時見長者居士或應某時見諸外道如是等衆若來見我及聞說法皆悉多獲功德福利所以者何悉是阿難通進見我得其善根成

澄六

十二

熟時故復次比丘轉輪聖王有四奇特希有之法一者若婆羅門來至轉輪聖王之所既到見王顏容端正威德高顯心生歡喜次聞王語音辭清徹亦生歡喜乃至見王默然無言又懷踊躍及與王辭還歸所止迴戀顧慕步步悵快如飢渴人不得飽滿二者諸小利利三者毗舍四者首陀羅亦復如是此爲轉輪聖王四奇特事當知阿難亦有此四奇特之事一者若諸比丘從遠方來欲問訊我次見阿難皆生歡喜聞其說法及見默然亦復欣悅辭別而退戀德情深不能有已二者比丘尼三者優婆塞四者優婆夷亦復如是汝

等當知阿難有此四奇特事

尔時世尊告阿難言汝今不應自生苦惱而作是言天人之師將般涅槃我今無復解脫之期所以者何凡我所說一切法藏於我滅後思惟奉持勤行精進不久自當得於解脫尔時阿難既得如來梵音安慰憂惱小除而

白佛言我今心意如小醒悟欲有所請唯願哀愍佛即答言欲請何事阿難言此鳩尸那城比餘大國極為邊狹人民又復不能熾盛唯願世尊往餘大國王舍城毗耶離城舍衛國城婆羅捺城阿踰闍城瞻波城俱睺彌城德义尸羅城如是諸城所處正中人民熾盛

澄六

十三

國土豐樂皆多信心智慧聰明唯願世尊往彼諸城而般涅槃廣利其中諸衆生等

尔時世尊答阿難言汝今不應作是請我言此鳩尸那城為邊狹也汝當諦聽今為汝說阿難過去久遠此鳩尸那城有轉輪聖王名大善見七寶具足王有千子能伏怨敵皆以

正法化諸人民尔時此城名鳩尸婆帝城東西門其間相去十二踰闍那南北二門其間相去八踰闍那其城四面周匝七重其內一重淳以黃金其第二重淳以白銀其第三重淳以琉璃其第四重淳以頗梨其第五重淳以琺瑯其第六重淳以瑪瑙其第七重雜以衆寶其城樓櫓皆悉七層窓牖欄楯七寶雕飾懸衆寶鈴寶網羅上其間相去盡一箭道其城四門門各九重莊校嚴飾光麗悅目七重城外各有塹水其水澄潔具八功德皆以七寶而為階陛諸雜類鳥鸞鳳孔雀鳧鴈鴛鴦翻翔飛儻鳴集其中其水復有鳩牟頭華鬱波羅華分陀利華青黃赤白雜色蓮華又其岸上有七行寶樹行各異寶微風徐起吹彼樹枝條葉相觸音如天樂城中人民皆悉盈滿安隱豐樂極為熾盛諸五欲具如忉利天道路之中懸諸明珠人民行止初無晝夜此城恒有十種音聲一者象聲二者馬聲三

者車聲四者鼓聲五者螺聲六者琴瑟等聲
七者歌聲八者扣鐘擊磬設大會聲九者讚
歎持戒人聲十者互共說法語論之聲大善
見王有諸威德端正第一衆人見者無不愛
敬長壽歡樂身無小疾王性慈仁愍念一切
猶如慈父憐愛其子一切人民親敬於王亦
復如父阿難大善見王別於一時欲出園林
遊觀嬉戲嚴四種兵各八萬四千又復後宮
夫人嫫女亦嚴八萬四千乘車欲隨遊看時
王又復勅於國中諸婆羅門長者居士令隨
出遊嚴駕辦已時主兵臣入白王言四兵已
辦願王知時時王即便昇白象輿與婆羅門

澄六

十四

御者令徐徐行路邊人民恣意瞻仰如子見
父亦時彼王見諸衢巷無不平坦又七寶樹
羅列蔭映而無池水即勅一臣夾諸路側造
七寶池其間相去皆一百弓又令栽植種種
名華又復勅令一一池間給諸侍人有來浴
者供以香華又與飲食恣意取足如是供給
不捨晝夜又勅彼臣自今已後四遠人民有
來求乞隨須給與既到園林與婆羅門長者
居士并餘大臣遊觀嬉戲乃至日暮珠光明
曜如晝無異不見日影乃知是夜時王與諸
婆羅門衆長者居士并餘臣民嬉戲訖已還
歸宮城別於他日時婆羅門長者居士及與
大臣持衆名寶共來獻王王即語言我於近
日園林遊戲勅於某臣自今已去有來求索
隨意給與我之布施乃至如是卿等云何及
以衆寶而來獻我時王即便心自思惟此諸
人等所以持寶來獻我者皆緣國中富貴之
故如此之事由民貧來即勅藏臣出諸珍寶

澄六

十五

及寶生具置四衢道槌鍾擊鼓唱令四遠大善見王今開寶藏以用布施若有所須隨意來取王恒如是廣行布施利益眾生不捨晝夜。爾時國中諸婆羅門長者居士及以大目而白王言大王常可所居宮殿極爲褊狹我等每來問訊王時諸侍從者不相容受唯願大王開拓令廣王聞此語默然許之心自念言我今宜應開闊住處時天帝釋知王心念呼一天子名毗首建磨極爲妙巧無事不能而語之言今閻浮提轉輪聖王名大善見其今欲更開拓宮城汝便可下爲作監匠使其居處嚴麗雕飾如我無異彼天奉勅即便來下猶如壯士屈申臂頃到閻浮提當王前立時王既見彼天子形風姿端正必知非凡而問之言汝是何神而忽來下天即荅言大王當知我天帝釋之大臣也名毗首建磨極閑工巧大王心欲開廣宮殿故天帝釋遣我來下爲作監匠以助於王王聞此言心懷歡喜時

彼天子即便經始開廓宮城城之四門其間相去二十四踰闍那爲王起殿高下縱廣各八踰闍那七寶嚴麗如帝釋宮其殿凡有八萬四千間隔住處皆有七寶牀帳卧具又復爲王起說法殿高下縱廣亦八踰闍那七寶莊飾無異於前其殿四面有七寶樹及以名華列植蔭映又造寶池其水清潔具八功德其殿中央施師子座七寶莊嚴極爲高廣覆以寶帳垂七寶毘又爲四遠來聽法者設四寶座黃金白銀琉璃頗梨其數凡有八萬四千毗首建磨既爲彼王造作宮城皆悉竟已與王辭別忽然不現還歸天上時大善見王既見宮城皆悉修立即勅擊鼓唱令國界大善見王却後七日當爲一切說種種法若欲樂聞皆可來集說法殿上時婆羅門長者居士大臣人民聞此唱令至於其日皆悉來集時王即便上說法殿登師子座一切來衆亦皆坐於四寶之座爾時彼王先爲諸人說十

善法然後又為開餘法門乃至經於萬二千
歲其國衆生若有曾聞彼王法者命終生天
不墮三塗阿難彼王恒作如此利益一切衆
生阿難時大善見王於靜室中心自念言我
過去世有何行業修何善根生世尊貴有大
威德色力壽命人無等者正當由於過去世

中廣修布施忍辱慈悲故今獲得如此報耳
我今宜應更修進勝而便思惟不久之間即
得初禪乃至得於第四禪復更修習四無量
心阿難大善見王又教夫人及以姝女令修
四禪

十六末

大般涅槃經卷中

澄六

歇許調屈下七蹉何反全蒲門歌下音頌敗下牽下音勞祖下
劣反施具上兜反大下子積反繳去音散散悞下音快下音向下音於於櫓於
魯上音息扶上音廓反郭郭耽而志駿反子子閏閏蔭於映於
敬反嬉之戲上許褊下上袂下上夾反

大般涅槃經卷下

澄七

東晉平陽沙門釋法顯譯

尔時雪山有八萬四千白象日日來到列王
殿前時王心念此諸白象恒來我所經由道
路踐藉衆生即便勅語主兵臣言自今已後
不須此象日來我所經一千歲可令一來但

令四萬二千便足不必具滿八萬四千王王
女寶名曰善賢與餘夫人及以姝女八萬四
千人於靜室中坐禪思惟經四萬歲共相謂
言我等在此坐禪思惟經四萬歲不見大王
今者宜應禮拜問訊作此言已即便相隨到
於王所其餘官人入白王言善賢今與八萬
四千女人來問訊王時王聞已即便往於說
法殿上昇師子座俄尔之頃善賢等至王即
喚前時善賢等相隨而進到於王所頭面禮
足次第而坐即作是言我等共在靜室之中
坐禪思惟經四萬歲不見王久故來問訊欲
有所說唯願聽許王即荅言善哉隨意善賢